

ի բազկացն գրկեսցուք և սուլթանքն և բամբուլք պարոնացն ամաչէին յերեսն նորա հայիլ, այսօր գահիճ մի տըմարդի և անօրէն, օտար և արեանարբու՝ ըմբընեալ զնա և ի բազկացն կախեալ և Բ տակ եղեալ ի կախաղանին: Եւ որ զգլուխն օծանէր և զմարմինն փափկացուցանէր անուշ իւղովք և զարմանալի ծխանելեօք, այսօր ի վերայ ծառին արեակէզ ի տուէ եւ ջրտասառոյց ի գիշերի, քանզի ամիս էր Մարտի: Եւ այն որ ձեռն առեալ զգրէչն եւ գրէր¹⁾ զհրամանս թագաւորին եւ զմանսուպն ում կամէր տար եւ գրէր խէթտիչէրիֆ և խափանէր զհրամանս թագաւորին թէ Այսպէս լիցի, այսօր մի ձեռն ի կախ և մի ձեռն ի վերայ երեսին եղեալ: Ա՛յ և ս՛հ, սարջիմ ասելն և զըզուրմ զծըրելն զփառս և զմեծութիւնս սորա²⁾, քանզի սալ էր թագաւորն. ի ժամանակ մեծ վալիտէին քեխեա եղեալ եւ յետ ժամանակի ինչ զսա տվեալ բազում գանձիւք ումիմն որոյ անուենն Շապան զալֆա ասի, վասն այնորիկ մտանէր և ելանէր ի պալատն արքունի համարձակապէս: Եւ յետ մի տարոյ կամ երկուսի անցելոյ, սալ եղև ընդ փոքր վալիտէին միախորհուրդ և դարան գործեալ մեծ վալիտէին՝ մօր Մուրատին և Իպրահիմին և Օսմանին, զնա սպանել ետուն պատճառաւ ինչ, և մայր թագաւորիս փոքր վալիտէն ի ժամանակի մեծ վալիտէին ըստացաւ անուն մեծ բարութեան թէ Կարգացող է և տանէն ի դուրս ոչ է ելանող, և այս էր ստոյգ³⁾. բայց խորհուրդ ունէր և ա՛ն ունէր ի սկեսրէն իւրմէ, մինչեւ մի եղեալ հետ Մուլքիին և զնա սպանին: Եւ յետ այնորիկ բազում ոճիրս գործէին ծածկաբար երկսքինս, քանզի ի տեղիս տեղիս բաղանիս շինել և այլ զարդ փառաց կայր յառաջմանէ եւ ինքեանք⁴⁾ նոր իմն զարդք եւ շէնք

1) եւ գրէր եւ գրէր.

2) սոցա.

3) ըստուգ.

4) ինքն.